

الصلاة في الجامعة يا شباب (برنامج أيام الجامعة) (م/علاء

حامد

علاء حامد

سلام عليكم شباب والصلاة ايام الجامعة ايام مهمة جدا في حياتك مذاكرة مهمة. حضور الدروس اه حضور المحاضرات مهم جدا. انك تركز انك تجيب مجموع شيء مهم جدا لكن عايز اقول لك النبي عليه الصلاة والسلام اعتبر ان اهم حاجة في الدنيا. اهم حاجة في الدنيا الصلاة - 00:00:00

قال النبي عليه الصلاة والسلام اعلموا ان خير اعمالكم عندي الصلاة وقال النبي عليه الصلاة والسلام الصلاة خير موضوع. يعني ما فيش حاجة اهم في حياتك من الصلاة زي ما مذاكرتك مهمة - 00:00:31

الصلاة اهم. زي ما المحاضرة مهمة برضو الصلاة اهم. شباب كثير مشكلة في الجامعة بسبب المحاضرات بسبب المذاكرة بسبب بسبب بيضيع الصلاة عايز اقول له رسالة الرسالة دي بقى مش مني. ان الرسالة دي جاية لك من اهل النار. آآ عيازا بالله تعالى. لما اهل الجنة سألو اهل - 00:00:48

ما سلككم في سقر ايه اللي وداكم هذا المكان الرهيب؟ قالوا اول حاجة اول حاجة قالوا لم نك من المصلين لم نك من المصلين. ما كناش بنصلي ما قالوش بقى اصل المحاضرة ضاعت ما كناش بنحضر محاضرات ما كناش بنذاكر انا مش بقول لك ما تذاكرش ما قلتلكش ما تحضرش محاضرات - 00:01:08

انا عايزك مع الحاجات دي تصلي لان اكبر مصيبة كانت عند الناس ديت قالوا لم نك من المصلين. وربنا سبحانه وتعالى بين اهل الجحيم طبعهم ايه؟ قال فلا صدق ولا - 00:01:27

لا صدق ولا صلى سم ان في مشكلة ترك الصلاة بييجيب حاجات تانية كده وراه. ربنا في سورة مريم يقول فخلف من بعدهم خلف اضاعوا الصلاة واتبعوا الشهوات فسوف يلقون غيا. اضاعوا الصلاة اتبعوا الشهوات. يقول العلماء لما اضاعوا الصلاة اتبعوا الشهوات. يعني هتلاقي اضاعة - 00:01:39

الصلاة دي مش بتخلص على موضوع الصلاة بتقلب بحاجات تانية. هتلاقي الموضوع بعد كده بقى بييجيب صحبة سيئة وموضوع بقى بنات وبعد كده اباحيات وعادة سرية وافلام لانك تركت الصلاة. ان الصلاة - 00:02:01

تنهى عن الفحشاء والمنكر فاياك انك انت تضيع الصلاة في الجامعة. انا عارف انك انت بتحب ربنا جدا. وعارف انك انت نفسك تصلي. بس انت عندك شوية حاجات كده انا فاهم انا كنت في الجامعة وفاهم. اول حاجة هتعتقد ان ما فيش وقت اصل ما فيش وقت اصلي. لآ فيه وقت - 00:02:14

في استراحة بين المحاضرات انت بتقف مع اصحابك بل انت بتقف احيانا مع بنات في وقت تصلي ما تضحكش على نفسك. ما فيش حاجة اسمها ما فيش وقت خالص في الكلية تصلي. مش لازم تصلي الجماعة الاولى. صلي الجماعة الثانية. الجماعة الثالثة. صلي - 00:02:31

صليت قبل الصلاة الثانية ما تيجي. انت كده اسمك صليت المشكلة الثانية اللي بتحصل عند اي شاب يقول لك اصل انا عندي مشكلة بس هو مش عايز يقول عندي مشكلة في الوضوء الصراحة. ايه مشكلتك في الوضوء؟ مشكلتي في الوضوء آآ مش هينفع اقول لك لا قل لي معلش - 00:02:47

اصل انا ببقى عامل شعري مشكلة لما بتتوضا بتكعبل مني وانا ما ينفعش ان التسريحة هتبوز مني. تخيل واحد دي مشكلته في الصلاة. طيب احنا احنا تسريحتك الجميلة دي في حل. انزل متوضي. ممكن انك انت تنزل من بيتك متوضي وتمسك نفسك علشان تحافظ على - [00:03:01](#)

اللي حصل حصل ولازم تتوضا. احنا مش بنقول لك انكش شعرك. شعرك مش زي ايدك ووشك مش بيتغسل. انما بيتمسح. هتمسحه بس. والمسح مش هيبوزه لا باص شوية سرحه. لقي التسريحة مش زي ما نزلت من البيت معلش - [00:03:18](#)

الصلاة اهم. ربنا اغلى. ربنا اغلى. النار اصعب مما تتخيل مش ممكن انك انت تخش النار عشان موضوع زي دوت لا اصل دي مش دي المشكلة آا اصل موضوع بقى اقلع الجزمة والشراب واتوضا والدنيا ما باعرفش اتوضا. القصة دي بتكعبلني سهل جدا. عايزك آا - [00:03:35](#)

انا بعملها في حياتي دايم. لما تيجي تنزل من بيتك انزل متوضي. بعد ما تتوضا البس شراب سميك شوية. مش شراب رفيع اللي هو زي الحريمي ده لا ولا الشراب اللي هو اللي بيبين الايه العضمتين دول لأ ده ما ينفعش برضو شراب سميك شوية ويكون مغطي العضمتين دول وانزل بقى باشا - [00:03:55](#)

انت بعد كده تيجي الصلاة هتتوضى عادي وتيجي على رجلك مش هتقلع ولا بتاع انت هتمسح على الشراب. كده حلينا لك مشكلتك في حاجة تانية كده مش هينفع اقولها لك. ايه هي اصل الصراحة الصراحة اصل انا بقف مع بنات. طب ايه اللي بيحصل؟ مم بينزل كده حاجة كده مم. المسجد. بينزل منه - [00:04:15](#)

فمش بيروح يصلي. لأ على فكرة الموضوع ده له حل. هتروح؟ اه غلط اللي انت عملته لكن لازم تصلي. هتروح هتغسل اللي حصل دوت وتمسح يعني اه فرجك وتتوضا - [00:04:32](#)

وتصلي برضو. بص انت هتصلي. لازم تصلي. ما فيش حل. كل حاجة لها حل. وان شاء الله هتصلي. حافظ على الصلاة انت بتحب ربنا. الصلاة اهم اهم شيء في حياتك لازم يكون لحزة في الاسلام لمن ترك الصلاة زي ما قال عمر ابن الخطاب ربنا يثبتنا واياكم. السلام عليكم - [00:04:45](#)